

永樂大典

卷五千二百四十  
八

# 永樂大典卷之五千二百四十八

十三蕭

## 遼

### 世宗

遼史世宗孝和莊憲皇帝諱阮小字元欲讓國皇帝長子母柔貞皇后蕭氏帝儀觀豐偉內寬外嚴善騎射樂施予人望歸之太宗愛之如子會同九年從伐晉大同元年二月封永康王四月丁未太宗崩於樂城戊寅梓宮次鎮陽即皇帝位於柩前甲申次定州命天德朔古解里等護梓宮先赴上京太后聞帝即位遣太弟李胡率兵拒之六月甲寅朔次南京五院夷离董安端詳穩劉哥遣人馳報請為前鋒至泰德泉遇李胡軍戰敗之上遣郎君勤德等詣兩軍諭解秋閏七月次潢河太后李胡復有異謀遷于祖州誅司徒劃設及楚補里八月壬午朔尊母蕭氏為皇太后以太后族刺只撒古魯為國舅張立詳穩以總馬以崇德宮戶分賜翼戴功臣及北院大王注南院大王乳各五十安持楚補各百的魯鐵刺于保先以非罪籍沒者歸之癸未始置北院樞密使以安持為之九月壬

永樂大典卷之五千二百四十八

一

于朔葬嗣聖皇帝於懷陵丁卯行柴冊禮羣臣上尊號曰天授皇帝大赦改大同元年為天祿元年追謚皇考曰讓國皇帝以安端主東丹國封明王察割為泰寧王劉哥為揚隱高勳為南院樞密使二年春正月天德蕭翰劉哥益都等謀反誅天德杖蕭翰遷劉哥於邊訶益都使轄憂斯國漢主劉知遠殂于承祐兵夏四月庚辰朔南唐遣李朗王祚來慰且賀兼奉蠟丸書議攻漢秋七月壬申皇于賢生冬十月壬午南京留守魏王趙延壽薨以中臺省右相膠曠為南京留守封燕王十一月駐蹕彰武南三年春正月蕭翰及公主阿不里謀反翰伏誅阿不里瘞死獄中庚申肆赦內外官各進一階夏六月戊寅以敝史耶律胡離軫為北院大王己卯楊隱顯昱封漆水羣王秋九月辛丑朔召羣臣議南伐冬十月遣諸將率兵攻下貝州高老鎮徇地鄴都南宮堂陽殺深州刺史史萬山俘獲甚衆四年春二月辛未泰寧王察割來朝留侍是月定政事省三月戊戌朔南唐遣趙延嗣張福等來賀南征捷秋九月乙丑朔如山西冬十月自將南伐攻下安平內兵朱鹿等城大獲而還是歲冊皇后蕭氏五年春正月癸亥朔如百泉湖漢郭威弒其主自立幽虢周遣朱憲來告即遣使致良馬漢劉崇自立於太原二月周遣姚漢英華昭胤來以書辭抗禮留漢

英等夏五月壬戌朔太子太傅趙瑩薨。輟朝一日命歸葬于汴。詔州縣錄事參軍主簿委政事省銓注。六月辛卯朔劉崇為周所攻遣使稱姓乞援且求封冊。即遣燕王懔。塔密使高勳。冊為大漢神武皇帝。南唐遣蔣洪來乞舉兵應援。是夏清暑百舉嶺九月庚申朔自將南伐。壬戌次歸化州。祥古山。突夾祭讓國皇帝于行宮。羣臣皆醉。察利反。帝遇弒。年三十四。應曆元年。葬於顯州西山陵。曰顯陵。二年。諡孝和皇帝。廟號世宗。統和二十六年七月。加諡孝和莊憲皇帝。贊曰。世宗中才之主也。入繼大統。曾未三年。納唐丸書。即議南伐。既乏持重。宜中周防。蓋有致禍之道矣。然而孝友寬慈。亦有君人之度焉。未及師還。變起沉湎。豈不可哀也哉。契丹志世宗南入大梁。兀欲駕於後。求父遺骸。會太宗會同十一年四月。歸崩於樂城。燕王趙廷壽恨太宗許伐中國之約。即日引兵入恒州。帝以領兵繼入。遣諸將密議奉帝為主。登鼓角樓受叔兄拜。而廷壽不之知。自稱受太宗遺詔。權知南朝軍國事。下教布告諸道。所以供饋帝與諸將。同帝恨之。鎮州諸門管鑰與武倉庫出納皆帝親掌之。或託廷壽曰。遣諸大人數日。聚謀。此必有變。今漢兵不滿萬人。不若先事圖之。廷壽不決。下令以來月朔。

永樂錄卷五十五

日於侍賢館上事。受賀大臣李崧等以逆帝之意。難測乃止。會同十一年。時北漢高祖稱天福十二年。夏五月。帝召趙廷壽。張燾。李崧。馮道於所館。飲酒。帝妻素以兄事廷壽。酒數行。帝從容謂廷壽曰。妹自上國來。寧欲見之手。廷壽與俱入。食頃。帝出坐。笑謂張燾等曰。燕王謀反已鎖之矣。諸君可無慮矣。又曰。先帝在汴州。與我算于一莖。許我知南朝軍國事。昨日臨崩。別無遺詔。燕王安得擅立邪。一日。帝至侍賢館。受蕃漢官謁。賀笑謂張燾等曰。燕王果於此即位。吾以鐵騎圍之。諸公亦不免矣。後數日。集蕃漢諸臣於府署。宣太宗遺制曰。永康王。大聖皇帝之嫡孫。八皇王之長子。太后鍾愛。羣情允歸。可於中京即皇帝位。中京契丹為鎮州也。於是舉哀成服。既而易吉服。見羣臣。受賀。更不復行喪禮。歌吹之聲不絕於內。是年猶稱會同。帝以太宗有子在國。已以兄子襲位。又無述律太后之命。內不自安。初太祖崩於夫餘城。述律故酋長及諸將數百人。太宗復崩於境外。酋長諸將懼死。乃謀奉帝。欲勒兵北歸。使麻荅麻荅。太宗從弟。為中京留守。以前武州刺史高泰明為安國節度使。晉文武官及士卒悉留之。獨以翰林學士徐台符。李崧。及後宮宦者。教坊人自隨。述律太后聞帝立。怒曰。我兒南征東討。有大功業。其子在我側者當立。汝父弃我。走投外國。乃大

逆人也。宜得立逆人之子為帝乎？發兵拒之。帝遣偉王為前鋒，相遇於石橋。太后以李彥船為排陣，使彥船迎降於偉王。太后兵敗，帝幽太后於太祖墓側，自稱天授皇帝，以高勳為樞密使。帝慕中華風俗，多用晉臣而荒于酒色，侮諸宰執，由是國人不附。諸部數叛，與兵追討，故數年不暇南征。

先是，述律太后徙晉侯并后于懷密州，去黃龍府西北一千五百里。行過遼陽二百里，而述律太后為帝所囚。晉侯與后復得還於遼陽，稍有供給。行蕭翰、橋遠制命，唐許王從益知南朝軍國事，召赴恆州。時許王從益及王淑妃俱匿於徽陵下宮，不得已為出翰立為帝。帥諸酋拜之，淑妃泣曰：「吾母子單弱如此，而為諸公所推，是禍吾家也。」願諸公宜早迎新主，自求多福，勿以吾子母為意。眾感其言，許王遣使奉表稱臣，迎北漢主劉知遠仍出居私第。漢主入洛汴州，百官奉表來迎，諭以受遼補署者皆勿疑，聚其香牒而焚之，命鄭州防禦使郭從義先入梁清宮，密令殺許王及王淑妃。淑妃且死，曰：「吾兒何罪而死，何不留之，每歲寒食以一盂麥飯灑明宗陵，于闕者泣下。」漢主至大梁，晉之藩鎮相繼來降，復以汴州為東京。

改國號曰漢，仍稱天福年號。曰：「余未忍忘晉也。」明年，遼國改元天祿。戊申天祿元年二月，北漢主隱帝承祐立。乾祐元年春正月，漢主知遠更

名高召蘇逢吉、楊邠、史弘肇、郭威入受顧命，曰：「承祐幼弱，後事託在卿輩。」又曰：「善防杜重威，是日殂逢吉等，秘不發喪，下詔稱重威父子因朕小疾，謗議搖衆，皆斬之，磔尸于市，市人爭啖其肉。」二月，漢主第二子周王承祐立。時年十八，是為隱帝。初，遼帝北歸至定州，以孫方簡為大同節度使。方簡怨志不受命，帥其黨三千人保狼山，故寨攻之不克。未幾，遣使降漢。漢主復其舊官，使扞遼國。時麻荅等焚掠定州，悉驅其人弃城北去。方簡自狼山帥其衆數百還據定州。於是晉末州縣陷遼者皆復為漢。有矣麻荅歸至其國，帝責其失守，麻荅不服，曰：「朝廷徵漢官致亂爾。」帝鴆殺之。

四月，帝至遼陽，晉侯白衣紗帽，與太后、皇后詣帳中，上謁。帝令晉侯以常服見，侯伏地而泣，自陳過咎。帝使人扶起之，與坐飲酒，奏樂而帳下伶人從官望見，故主皆泣下，悲不自勝，爭以衣服藥餌為遺。五月，帝上陞，取晉侯所從宦者十五人，東西班十五人，及皇子延煦而去。帝有妻兄禪，奴利，閩晉侯有女未嫁，求之，乃辭以幼。後數日，帝遣騎取之，以賜禪。奴利六月朔日食，陞北地尤高涼，北人常以五月上陞避暑。八月，下陞，至八月，帝下陞，太后自馳至霸州謁帝，求於漢兒城側賜地種牧，以為生計。之，帝以太后自從，行十餘日，遣與延煦俱還遼陽。己酉天祿二年，北漢

# 永樂大典

卷五二四八

乾祐二年春二月。徙晉侯太后于建州。中途安太妃卒。遣令晉侯焚骨為灰南向颺之。庶幾遺魂得反中國也。自遼陽東南行千二百里至建州。節度使趙延暉避正寢以館之。去建州數十里外得地五十餘頃。侯遣從者耕以給食。頃之太宗之子述律王遣駙取晉侯寵姬趙氏孀氏而去。夏四月。太白晝見。六月朔日食。冬十月。遼攻河北。漢遣郭威督諸將禦之。庚戌天祿三年。漢乾祐三年。秋八月。故晉李太后病無醫藥。常仰天號泣。戰手罵杜重威。李守貞曰。吾死不置汝。疾亟謂晉侯曰。我死焚其骨。送范陽佛寺。無使我為虜地鬼也。是月。后卒。周顯德中有中國人自遼來者。云晉主及皇后諸子尚無恙。其從者亡歸。及物故則過半矣。十一月朔日食。漢郭威反。隱帝出奔。至趙村。追兵已至。隱帝下馬入民家。為郭允明所絏。時冬十一月也。郭威等帥百官迎武寧節度使劉贊高祖弟崇之子為主。十二月。郭威攻遼。至澶州。將發將士數千人。忽大譟曰。天子須侍中自為之。將士已與劉氏為仇。不可立也。或裂黃旗以被威體。共扶抱之。呼萬歲。推立為帝。威乃上太后牋。請奉漢宗廟事。太后為母下書。撫諭大梁士民。勿有憂疑。遂故主贊於外。詔太后。詔廢贊為湘陰公。辛亥天祿四年。北漢乾祐四年。春正月。漢太后下詔授郭威監國符寶。即

永樂大典卷五二四八

四

皇帝位。國號曰周。建元廣順。是月。絏漢湘陰公贊於宋州。漢高祖之弟劉崇稱帝於晉陽。仍用乾祐年號。所有者并汾忻代嵐憲隆蔚沁遼麟石十二州之地。二月。遼帝聞北漢主立。使招討使潘聿然遣其子劉承鈞書。漢主使承鈞復書。言本朝淪亡。欲借晉室故事。求援帝大喜。至是北漢主遣使如遼乞兵。夏四月。遼帝遣使如北漢。告以周使田敏來約歲輸錢十萬緡。北漢主使鄭珙以厚賂謝遼。致書稱姪。請行冊禮。帝大喜。命燕王述軋冊命北漢主為大漢神武皇帝。更命其妃為皇后。尋遣其翰林學士衛融等詣遼稱謝且請兵。九月。北漢主自圍栢攻周帝。欲引兵會之。與酋長議於九十九泉。諸部皆不欲南。帝強之行。至新州之火神淀。燕王述軋及偉王之子大寧王溫僧等率兵作亂。弑帝而述軋自立。齊王述律太子之弟述於南山。諸大臣奉之以攻述軋。溫僧殺之。并其族黨。立述律為帝。改元應曆。世宗在位。凡五年。崩。廟號世宗。葬醫巫閭山。論曰。前史嘗云。創業易守成難。吾於世宗益信。世宗地居上嗣。運屬樂推。兵威不戢。關河流毒。自謂荒淫無妨。而不知諸部之心離。自謂專欲可成。而不知蕭牆之暴。故三十餘年。血戰之基業。而繼繼承承。乃若此。守成之難。不信然歟。

# 穆宗

遼史穆宗孝安敬正皇帝諱璟。小字述律。太宗皇帝長子。母曰靖安皇后蕭氏。會同二年封壽安王。天祿五年九月癸亥。世宗

遇害。逆臣察割等伏誅。丁卯。即皇帝位。群臣上尊號曰天順皇帝。改元應曆。戊辰。如南京。是月遣劉承訓告哀于漢。冬十一月。漢周南唐各遣使來。予。乙亥。詔朔會。依嗣聖皇帝故事。用漢禮。十二月甲辰。漢遣使獻方天鞍馬。士子。鐵驪鼻骨德皆來貢。二年春正月戊午朔。南唐遣使奉蠟丸書。及進犀兕甲萬屬。壬戌。太尉忽古贊謀逆。伏誅。二月癸卯。女直來貢。癸亥。南唐遣使奉蠟丸書。丁卯。復遣使來貢。甲申。以耶律撻烈為南院大王。夏四月丙戌朔。日有食之。己亥。鐵驪進鷹鷂。五月丙辰朔。視朝。壬午。南唐遣使來貢。六月壬辰。國舅政事令蕭眉古得宣政殿學士李幹等謀。南奔事覺。詔暴其罪。乙未。祭天地。士寅。漢為周所侵。遣使求援。命中臺省右相高模翰赴之。丁未。命乳媪之兄曷魯世為阿速石烈。夷高董。秋七月乙亥。政事令。婁圖林牙敵烈。侍中神都郎君海里等謀亂。就執。八月己丑。眉古得婁圖等。伏誅。杖李幹而釋之。九月甲寅朔。雲州進嘉禾。四莖二穗。戊午。詔以先平察割。日用白黑羊玄酒祭天。歲以為常。壬戌。獵炭山。祭天。庚辰。敵烈部來貢。冬十月甲申朔。漢遣使進葡萄酒。甲午。司徒老古等獻白雉。

水滸傳卷五十二百十八

五

戊申。回鶻及轄戛斯皆遣使來貢。十一月癸丑朔。視朝。己巳。地震。己卯。日南至。始用舊制。行拜日禮。朔州民進黑兔。十二月癸未朔。高模翰及漢兵圍晉州。辛卯。以生日飯。僧釋繫囚。甲辰。獵于近郊。祀天地。辛亥。明王安端薨。三年春閏正月壬午朔。漢以高模翰却周軍。遣使來謝。二月辛亥朔。詔用嗣聖皇帝舊曆。甲子。太保敵烈。脩易州城。鎮州以兵來挑戰。却之。三月庚辰朔。南唐遣使來貢。因附書于漢。詔達之。庚寅。如應州擊鞠。丁酉。漢遣使進毬衣及馬。庚子。觀漁于神德湖。夏四月庚申。鐵驪來貢。五月壬寅。漢遣使言石晉樹先帝聖德神功碑。為周人所毀。請再刻。許之。六月丁卯。應天皇太后崩。秋七月。不視朝。八月壬子。以生日釋囚。己未。漢遣使求援。三河。烏古吐蕃。吐谷渾。鼻骨德。皆遣使來貢。九月庚子。漢遣使貢藥。冬十月己酉。命太師唐骨德。治太行皇太后園陵。李胡子究郎君。猛幹。敵烈。謀反。事覺。辭遠。太平王。菴。撒葛林牙。華割郎君。新羅等。皆執之。十一月辛丑。謚皇太后曰貞烈。葬祖陵。漢遣使來會。冬。駐蹕奉聖州。以南京水。詔免今歲租。四年春正月戊寅。回鶻來貢。己丑。華割猛幹等。伏誅。究及菴。撒葛。皆釋之。是月周主威祖。養子晉王。崇。榮。嗣立。二月丙午朔。周攻漢。命政事令耶律敵。祿。援之。丙辰。漢遣使進茶藥。幸南京。夏五月乙亥。忻代二州叛。

漢遣南院大王。捷烈助敵。祿討之。丁酉。捷烈敗周將。符彥卿於忻口。六月。癸亥。捷烈獻所獲。秋七月乙酉。漢民有為遼軍掠者。遣使來請。詔悉歸之。九月丙申。漢為周人所侵。遣使來告。冬十一月。彰國軍節度使蕭敵烈。太保許從贊。奏忻代二州捷。十二月辛酉。朔。謁祖陵。庚午。漢遣使來貢。是冬。駐蹕杏峒。五年春。正月辛未。朔。鼻骨德來貢。二月庚子。朔。日有食之。庚申。漢遣使請上尊號。不許。壬戌。如裏澤。夏四月己酉。周侵漢。漢遣使求援。癸丑。命郎君蕭海黎。世為北府宰相。秋九月庚辰。漢主有疾。遣使來告。冬十月壬申。女直來貢。丁亥。謁太宗廟。庚寅。南唐遣使來貢。十一月乙未。朔。漢主崇祖。子承鈞。遣使來告。且求嗣立。遣使弔祭。遂封冊之。十二月乙丑。朔。謁太祖廟。辛巳。漢遣使來議軍事。六年夏五月丁酉。謁懷陵。六月甲子。漢遣使來議軍事。秋七月。不視朝。九月戊午。謁祖陵。冬十一月壬寅。鼻骨德來貢。十二月己未。朔。謁太祖廟。七年春正月庚子。鼻骨德來貢。二月辛酉。南唐遣使奉蠟丸書。辛未。駐蹕潢河。夏四月戊午。朔。還上京。初。女巫肖古。上延平藥方。當用男子膽和之。不數年。殺人甚多。至是覺其妄。辛巳。射殺之。五月辛卯。漢遣使來貢。六月丙辰。周遣使來聘。南唐遣使來貢。八月己未。周遣使來聘。是秋不聽政。冬十月庚申。獵于七鷹山。十二月

丁巳。詔大臣曰。有罪者法當刑。朕或肆怒。濫及無辜。卿等切諫。無或面從。辛巳。還上京。八年春二月乙丑。駐蹕潢河。夏四月甲寅。南京留守蕭思溫攻下沁遼州縣。遣人勞之。五月周陷東城縣。六月辛未。蕭思溫請益兵。乞駕幸燕。秋七月。獵于拽刺山。迄于九月。射鹿諸山。不視朝。冬十一月辛酉。漢遣使來告。周復來侵。乙丑。使再至。十二月庚辰。又至。九年春正月戊辰。駐蹕潢河。夏四月丙戌。周來侵。戊戌。以南京留守蕭思溫為兵馬都總管。擊之。是月周拔益津瓦橋。於口三關。五月乙巳。朔。陷瀛莫二州。癸亥。如南京。辛未。周兵退。六月乙亥。朔。視朝。戊寅。復容城縣。庚申。西幸如懷州。是月周主榮祖。子宗訓。立。秋七月。發南京軍。戍范陽。冬十二月戊寅。還上京。庚辰。王子敵烈。前宣徽使海思及蕭達干等謀反。事覺。鞠之。辛巳。祀天地。祖考。告逆。黨事敗。丙申。召群臣議時政。十年春正月。周殿前都點檢趙匡胤。廢周自立。建國號宋。夏五月乙巳。謁懷陵。壬子。漢以潞州歸附。來告。丙寅。至自懷陵。六月庚申。漢以宋兵圍石州。來告。遣大同軍節度使阿剌率四部往援。詔蕭思溫。以三部兵助之。秋七月己亥。朔。宋兵陷石州。潞州復叛。漢使來告。辛酉。政事令耶律壽遠。太保楚阿不。等謀反。伏誅。以酒脯祠天地于黑山。八月如秋山。幸懷州。庚午。以鎮箇石。授親擊殺近侍古

永樂大典

哥。冬十月丙子。李胡子喜隱謀反。辭連李胡下獄死。十一月。海思獄中上書陳便宜。十一年春二月丙寅。釋喜隱。辛亥。司徒烏里只子迷刺哥誣告其父謀反。復詐來傳及殺行人。以其父請救而釋之。丙辰。蕭思溫奏老人星見。乞行赦宥。閏月甲子。如潢河。夏四月癸巳朔。日有食之。是月射鹿不視朝。五月乙亥。司天王。白李正等進曆。六月甲午。赦冬十一月歲星犯月。十二年春正月甲戌。夜觀燈。二月己丑朔。以御史大夫蕭護思為北院樞密使。賜對衣鞍馬。夏五月庚午。以旱命左右以水相沃。頃之果雨。六月甲午。祠木葉山及潢河秋。如黑山赤山射鹿。十三年春正月自丁巳。晝夜酣飲者九日。丙寅。宋欲城益津關。命南京留守高勳統軍使崔延勳以兵擾之。癸酉。殺獸人海里。二月庚寅。漢遣使來告欲巡邊徼。乞張聲援。壬辰。如潢河。癸巳。觀群臣射。賜物有差。乙巳。老人星見。三月癸丑朔。殺鹿人彌里吉。梟其首以示掌鹿者。夏四月壬寅。獵于潢河。五月壬戌。幹朝改國所進花鹿生麋。六月癸未。近侍傷獐。杖殺之。甲申。殺獐人霞馬。壬辰。詔諸路錄囚。秋七月辛亥朔。漢以宋使來告。乙丑。薦時羞於廟。八月甲申。以生日縱五坊鷹鷂。戊戌。幸近山。呼鹿射之。旬有七日而後返。九月庚戌朔。以青牛白馬祭天地。飲于野次。終夕乃罷。辛亥。以酒脯祭天地。復終夜酣飲。冬十月丙申。漢

以宋使來告十一月庚午。獵飲于虞人之家。凡四日。十二月戊子。射野鹿。賜虞人物有差。庚寅。殺虞人曷主。十四年春正月戊寅朔。奉安神轟。戊戌。漢以宋將來襲。馳告。二月壬子。詔西南面招討使捷烈進兵援漢。癸亥。如潢河。戊辰。支解鹿人沒谷海里等七人于野封土識其地。己巳。如老林東。漢壬申。漢以敗宋兵石州來告。夏四月丁巳。漢以擊退宋軍遣使來謝。是月黃龍府甘露降。五月射獸。鹿于白鷹山。至于決旬六月丙午朔。獵于玉山。竟月忘返。秋七月壬辰。以酒脯祀黑山。八月己巳。如磴子嶺。呼鹿射之。獲鹿四。賜虞人女壞等物有差。丁未。還宮。戊申。以生日值天赦。不受賀。曲赦京師囚。乙卯。錄囚。九月黃室章叛。冬十月丙午。近侍烏古者進石錯。賜白金二百五十兩。丙辰。以掌鹿矧思代幹里為開微。賜金帶金盞銀二百兩。所隸死罪以下。得專之。十一月壬午。日南至。宴飲達旦。自是晝寢。夜飲。殺近侍小六於禁中。十二月丙午。以黑兔祭神。烏古叛掠民財。畜詳。德僧隱與戰。敗績。僧隱及乙實等死之。十五年春正月己卯。以樞密使雅里斯為行軍都統。虎軍詳。德楚思為行軍都監。益以突呂不部軍三百。合諸部兵討之。烏古夷。烏董子勃勒底。獨不叛。詔褒之。是月老人星見。二月壬寅朔。日有食之。上東幸。甲寅。以獲鴨。除鷹坊。剝面腰斬之。刑復其佞。



永樂大典

卷五二四八

役。是月烏古殺其長罕離底。餘衆降。復叛。三月癸酉。近侍東兒進。匕筋不時。手刃刺之。丁丑。大黃室韋首長寅尼吉叛。癸未。五坊人四十戶叛。入烏古。癸巳。廣人沙刺送偵。鴉夫期加炮烙。鐵梳之刑而死。夏四月乙巳。小黃室韋叛。雅里斯楚思等擊之。為室韋所敗。遣使詰之。乙卯。以充里代雅里斯。為都統。以女古為監軍。率輕騎進討。仍令捷馬尋吉里持詔招諭。五月壬申。尋吉里奏論之不從。雅里斯以捷馬蘇二群牧兵追至柴河與戰。不利。甲申。庫古只。奏室韋長寅尼吉亡。入敵烈。六月辛亥。命魯古獻良馬。賜銀二十兩。以近侍忽刺比馬至。先以聞。賜銀十兩。是月敵烈來降。秋七月甲戌。雅里斯奏烏古至。河德漂。遣夷尚董畫里夷尚畢常思擊之。丁丑。烏古掠上京北。榆林峪居民遺林雅蕭幹討之。庚辰。雅里斯等與烏古戰。不利。十月丁未。常思與烏古戰。敗之。十二月甲辰。以近侍喜哥私歸。殺其妻。丁未。殺近侍隨魯駐蹕黑山平淀。十六年春正月丁卯。朔。被酒。不受賀。甲申。微行市中。賜酒家銀絹。乙酉。殺近侍白海。及家僕杉福。押刺葛樞密使門吏。老古捷馬夫魯。三月己巳。東幸。庚午。獲鴨。甲申。獲鵝。皆飲達旦。五月甲申。以歲旱。泛舟于池。構雨。不雨。捨舟立水中。而構俄頃。乃雨。六月丙申。以白海死。非其罪。賜其家銀絹。秋七月壬午。諭有司。凡行幸之所。必高立標識。令民勿犯。違以死論。八月丁酉。漢遣使貢金器。鎧甲。閏月乙丑。觀野鹿。入馴鹿群。立馬飲。至脯。九月庚子。以重九宴飲。夜以繼日。至壬子。乃罷。己未。殺狼入裏里。十月庚辰。漢主有母喪。遣使賻弔。十二月甲子。幸酒人拔刺哥家。復幸殿前。都點檢耶律夷鶻。葛第。宴飲連日。賜金盃。細纒。及孕馬百疋。左右授官者甚衆。戊辰。漢遣使來貢。是冬。駐蹕黑山平淀。十七年春。正月庚寅。朔。林牙蕭幹。郎君耶律賢通。討烏古。還帝執其手。賜卮酒。授賢適右皮室。詳穩雅里斯。楚思霞里。三人。賜醕酒。以辱之。乙卯。夷尚畢常欲獻烏古俘。二月甲子。高勳奏。宋將城益津關。請以偏師擾之。上從之。夏四月戊辰。殺鷹人敵魯。丙子。射柳祈雨。復以水沃群臣。五月辛卯。殺鹿人札葛。壬辰。北府宰相蕭海黎。薨。輟朝。罷重五宴。丙子。未。支解雉人壽哥。念古。殺鹿人四十四人。是夏。駐蹕裏渾。秋八月辛酉。生日。以政事。令阿不底病。不受賀。九月自丙戌。朔。獵于黑山赤山。至于月終。冬十月乙丑。殺酒人粹你。十一月辛卯。殺近侍廷壽。壬辰。殺豕人阿不札。曷魯。米里者。涅里括。庚子。司天臺。奏月當食。不虧。上以為祥。歡飲達旦。壬寅。殺鹿人唐果。直哥。撒刺。十二月辛未。手殺饗人海里。復嚮之。是冬。駐蹕黑河平淀。十八年春。正月乙酉。朔。宴于宮中。不受賀。己亥。觀燈于市。以銀百兩。市酒。命群臣

永樂大典卷五二四八

八

亦市酒縱飲三月二月乙卯幸五坊使霞實里家宴飲達旦三月甲申朔如潢河乙酉獲駕鶴祭天地造大酒器刻為鹿文名曰鹿觥貯酒以祭天庚戌殺鶴人胡特魯近侍化葛及監囚海里仍到海里之尸夏四月癸丑殺藏人抄里只己巳詔左右僕班有材器幹局者不次擢用老耄者增俸以休于家五月丁亥重五以彼酒不受賀壬辰獲鶴于迷古水野飲終夜丁酉與政事令蕭排押南京留守高勳太師昭古劉承訓等酣飲連日夜己亥殺鹿人頗德騰哥陶瑰札不哥蘇古涅羅保彌古持敵蒼等六月丙辰殺藏人七奴己未馬殿前都點檢夷騰葛置神帳曲赦京畿囚甲戌捷烈於鵬寨中得牝犬來進是夏清暑裏澤秋七月辛丑漢主承鈞殂于繼元去來吉遣使弔祭九月戊子殺詳穩八剌拽刺痕馬等四人已丑登小山祭天地戊戌知宋欲襲河東諭西南面都統南院大王捷烈豫為之備己亥獵熊以喫鹿人鋪婦并掖庭戶賜夷臘葛甲辰以夷臘葛兼政事令仍以黑山東抹真之地數十里賜之以女瓊為近侍女直詳穩憂陌為本部夷萬董是秋獵于西京諸山冬十月辛亥朔宋圍太原詔捷烈為兵馬總管發諸道兵救之十一月癸卯冬至被酒不受賀十二月丁丑殺酒人搭烈葛是冬駐蹕黑山東川十九年春正月己卯朔宴宮中不受賀己丑

永樂大典卷五十二百四十八

立春被酒命殺前都點檢夷騰葛代行擊土牛禮甲午與群臣為葉格戲戊戌醉中驟加左右官乙巳詔太尉化哥曰朕醉中處事有乖無得曲從酒解可覆奏自立春飲至月終不聽政三月甲寅漢劉繼元嗣立遣使乞封冊辛酉遣韓知範冊為皇帝癸亥殺前導末及益剌剌其屍棄之甲子漢遣使進白鹿己巳如懷州獵獲熊歡飲方醉馳還行宮是夜近侍小哥盟人花哥庖人辛古等六人反帝遇弒年三十九廟號穆宗後附葬懷陵重熙二十一年謚曰孝安敬正皇帝贊曰穆宗在位十八年知女巫妖妄見誅論臣下濫刑切諫非不明也而荒耽于酒改獵無厭偵鶴失期加炮烙鐵梳之刑獲鴨甚歡除鷹坊刺面之令賞罰無章朝政不親而嗜殺不已變起肘腋宜哉契丹志穆宗諱璟番名述律後更名明太宗之長子也太宗攻石晉入大梁留帝侍述律太后太宗於會同十一年四月崩於樂城諸將畏述律太后殘虐遂立世宗世宗遇弒諸將共迎帝即位改元應曆自火神流入幽州遣使告于北漢北漢主遣樞密直學士王得中賀即位復以叔父事之請兵以擊晉州帝年少好遊戲不親國事每夜酣飲達旦乃寐日中方起國人謂之睡王辛亥應曆元年州人祖那威屠牛元年冬十月遼遣蕭禹厥將兵五萬會北漢兵伐周北漢主自將兵

二萬攻晉州三面置寨晝夜攻之巡檢使王萬敢與都指揮使史彥超何徽共拒之周太祖自將由澤州路與王峻奪兵救之十二月周王峻至晉遼兵與北漢兵夜遁北漢土瘠民貧內供軍國外奉遼幣賦役繁重民不聊生逃入周境者衆壬子應曆二年周廣順二年夏四月朔日食六月遼幽州節度使蕭海真世宗之妻弟許以內附請降于周中國多事不果從秋九月遼攻冀州為周兵所拒冬十月遼瀛莫幽州大水掠得歸者十五六癸丑應曆三年周廣順三年春正月遼攻定州為周將楊弘昭敗夏六月遼張藏英降周秋八月周太祖得風痺疾術者言宜散財以懷之於是築社壇建太廟於大梁太祖享太廟纒及一室不能拜而退命晉王榮終禮晉王本姓榮氏幼從姑表太祖家遂以為子是夕宿南郊幾不救夜分小愈甲寅應曆四年周世宗榮立顯德元年春正月朔周太祖祀圓丘僅能瞻仰致敬而已晉王榮判內外兵馬事太祖疾篤榮王入侍屢戒之曰昔吾西征見唐十八陵無不發掘者無他惟多藏金玉故也我死當以紙衣歛以瓦棺壙中無用石以覺代之工人役徒皆和雇勿以煩民葬畢募近陵民三十戶蠲其雜徭使以守視勿修下

宮置官人作石羊虎人馬惟刻石置陵前云周天子平生好儉約遺令用紙衾瓦棺嗣天子不敢違也汝苟或違吾不福汝是月太祖崩年五十一晉王榮立是為世宗二月北漢主閻周太祖崩喜甚遣使詣遼請兵遼遣武定節度使楊衮將萬騎如晉陽北漢主自將兵三萬會遼師趨潞州節度使李筠領兵逆戰敗走夏五月周帝自潞州趨晉陽至其城下旗幟環城四十里遼將楊衮奔歸帝怒其無功囚之使數千騎叱忻代之閻周遣符彥卿擊之遼兵退保忻口彥卿等恃勇輕進為遼兵所敗死傷甚衆彥卿引兵還晉陽冬十一月北漢主昊殂子承鈞告哀于遼遼冊命為帝其事遼上表稱賀遼賜詔謂之兒皇帝乙卯應曆五年周顯德二年春二月朔日食丙辰應曆六年周顯德三年丁巳應曆七年周顯德四年冬十一月遼遣侍中崔勳將兵會北漢同攻周北漢遣李存瓌將兵會之南侵潞州至其城下而還北漢主知遼不足恃而不敢違與之絕贈送勳甚厚戊午應曆八年周顯德五年夏五月朔日食己未應曆九年周顯德六年六月帝幸州兵夏四月周帝自將攻遼五月周將韓通領兵大至遼失瀛莫易涿雄霸六州其瓦橋關建為雄州割容城歸義二縣隸之益津關建為霸州割文安大城二縣隸之皆遼之地也周帝

趣幽州有疾乃還。六月周帝立其子宗訓為梁王。時年七歲。是月周帝崩。年三十九。諡曰世宗。子梁王立。秋九月。遼帝遣其舅使於南唐。中國疑憚。泰州團練使荆罕儒募刺客使殺之。南唐夜宴。遼使於清風驛。酒酣起更衣。人不逆視之。則失其首矣。自是遼與唐絕。庚申。應曆十年。宋趙太祖即位。建隆元年。春正月辛丑朔。北邊奏遼與北漢連兵犯邊。時宋趙太祖事周。為殿前檢點使。周帝命領宿衛諸將禦之。次陳橋驛。諸將擁立太祖為帝。國號曰宋。改元建隆。奉周帝為鄭王。太后為周太后。遷居西京。夏五月朔日食。辛酉。應曆十一年。宋建隆二年。夏四月朔日食。壬戌。應曆十二年。宋建隆三年。癸亥。應曆十三年。宋太祖乾德元年。甲子。應曆十四年。宋乾德二年。乙丑。應曆十五年。宋乾德三年。春二月壬寅朔日當食不虧。丙寅。應曆十六年。宋乾德四年。丁卯。應曆十七年。宋乾德五年。春三月五星聚奎。夏六月朔日食。戊辰。應曆十八年。宋太祖開寶元年。秋七月。北漢主劉承鈞寢疾。召平章事郭無為執繼恩承鈞奉手付以後事。繼恩嗣位。諡承鈞為孝和皇帝。九月。北漢主繼恩自嗣位以來。纒六十餘日。為郭無為所弒。弟繼元立。亦承鈞養子。改元廣運。是月宋師入北漢境。北漢上表于遼求援。又遣將領軍扼團柏谷。為宋

將李繼勳何繼筠等擊破之。于銅鑄河北漢尋復入攻。大掠晉絳二州之境。是時承會同之餘威。中原多事。藩鎮爭雄。莫不求援於遼國。以自存。晉陽之北漢。江南之李唐。使車仰至。饋遺絡繹。遼帝以政昏兵弱。不能應之。帝體氣卑弱。惡見婦人。居藩時。述律太后欲為納妃。帝辭以疾。即位後。嬪御滿前。並不一顧。朝臣有言椒房虛位者。皆拒而不納。左右近侍房帷供奉。率皆閹人。性好遊畋。窮冬盛夏。不廢馳騁。萬機事繁。蕃漢諸臣共泣之。帝不以屑意。如京東北有山曰黑山。曰赤山。曰大保山。山水秀絕。麋鹿成群。四時遊獵。不離此山。瀛莫之夫。幽州急遞以聞。帝曰。三關本漢地。今以還漢。何失之有。其神氣怠緩。不恤國事。如此。逮至末年。殘忘猜忌。左右小有過愆。至於親手刃之。數年之間。重足屏息。人人虞禍。會醉索食。不得。欲斬庖人。掌膳者恐禍及。因捧食以進。執刃絀帝於黑山下。帝在位凡十九年。諡曰天順皇帝。廟號穆宗。論曰。英睿騰風。戎馬交馳。而不足耽酣。惕日。禍敗淪胥。而有餘。太祖奮自遐陬。虎視中原。太宗偉度英資。關河拱手。一何壯也。一再傳之後。世宗以聲色覆於前。穆宗以荒淫復其繼。介胄脫諸房。帷裳端坐於肘腋。一何怯也。本其驕心。縱欲醉色。遊畋敗亡之塗。如出一手。豈陰山異氣之所韞抱於英靈者。至茲少歇歟。不然。何以若

# 永樂大典

卷五二四八

斯其昏昏之國語解世宗穆宗紀 嶧林上音帶地召即松林故地 開

撒俄林里司官亦掌官衙之禁者 捷馬危從之官 漢兀部分石 葉

## 景宗

遼史景宗孝成康靖皇帝諱賢字賢寧小字明辰世宗皇帝第

二子母曰懷節皇后蕭氏察割之亂帝甫四歲穆宗即位養永  
興宮既長穆宗酗酒怠政帝一日與韓匡嗣語及時事耶律賢適止之帝  
悟不復言應曆十九年二月戊辰入見穆宗曰吾兒已成人可付以政已  
已穆宗遇弒帝率飛龍使女里侍中蕭思溫南院樞密使高勳率甲騎十  
人馳赴黎明至行在哭之慟群臣勸進遂即皇帝位於柩前百官上尊號  
曰天贊皇帝大赦改元保寧以殿前都點檢耶律夷臘右皮室詳穩蕭烏  
里只宿衛不嚴斬之三月丙戌入上京以蕭思溫為北院樞密使太平王  
卷撒葛亡入沙沱已而夷離畢拈木袞以陰附卷撒葛伏誅癸巳卷撒葛  
入朝甲午以北院樞密使蕭思溫兼北府宰相己亥南院樞密使高勳封  
秦王夏四月戊申朔進封太平王卷撒葛為齊王改封趙王喜隱為宋王  
封隆先為平王稍為吳王道隱為蜀王必攝為越王敵烈為冀王宛為衛

永樂大典卷五二四八

十二

王五月戊寅立貴妃蕭氏為皇后丙申朔射柳祈雨有司請以帝生日為  
天清節從之壬寅漢遣李匡弼劉繼文李元素等來賀冬十月東幸裏澤  
十一月甲辰朔行柴冊禮祠木葉山駐蹕鵝谷乙巳蕭思溫封魏王北院  
大王屋質加于越二年春正月丁未如潢河夏四月辛酉東京致奠于讓  
國皇帝及世宗廟五月癸丑西幸乙卯次盤道嶺盜殺北院樞密使蕭思  
溫六月還上京秋七月以右皮室詳穩賢適為北院樞密使九月辛酉得  
國舅蕭海只及海崇殺蕭思溫狀皆伏誅流其弟神親于黃龍府十二月  
庚午漢遣使來貢三年春正月甲寅右夷離畢奚底遣人獻敵烈俘詔  
賜有功將士庚申置登聞鼓院辛酉南京統軍使魏國公韓匡美封郡王  
二月癸酉東幸壬午遣鐸遏使阿薩蘭回鶻己丑以青牛白馬祭天地三  
月丁未以飛使女里為契丹行宮都部署夏四月丁卯世宗妃啜累及蕭  
哥厥魁賜死己卯祠木葉山行再主禮丙戌至自東幸戊子蕭神觀伏誅  
六月丙子漢遣使問起居自是雖月而至丁丑回鶻遣使來貢秋七月辛  
丑以北院樞密使賢適為西北路招討使八月甲戌如秋山辛卯祭皇兄  
吼墓追冊為皇太子溢莊聖九月乙巳賜傅父侍中達里迭太保楚補太  
保婆兒保母回室押雅等戶口牛羊有差又以潛邸給使者馬捷馬部置

官掌之士于辛歸化州中寅如南京冬十月己巳以黑白羊祀神癸未漢  
 遣使來貢丙戌鼻骨德吐谷渾來貢十一月庚子臚胸河于越延尼里等  
 率戶四百五十來附乞隸官籍詔留其戶分隸敦睦積慶永興三宮優賜  
 遣之十二月癸酉以青牛白馬祭天地己丑皇子隆緒生是冬駐蹕金川  
 四年春二月癸亥漢以皇子生遣使來賀閏月戊申齊王薨葛薨三  
 月庚申朔追冊為皇太叔夏四月庚寅朔追封蕭思溫為楚國王是夏駐  
 蹕冰井秋七月如雲州丁丑鼻骨來貢冬十月丁亥朔如南京十二月甲  
 午詔內外官上封事五年春正月甲子陽德休哥伐党項破之以俘獲之  
 數來上漢遣使來貢庚午御五鳳樓觀燈二月丁亥近侍實魯里誤觸神  
 籙法論死杖釋之士辰越王必攝獻党項俘獲之數戊申以青牛白馬祭  
 天地辛亥幸新城三月乙卯朔復幸新城追封皇后祖胡母里為韓王贈  
 伯胡魯右兼政事令尼古只兼侍中夏四丙申白氣晝見五月癸亥于越  
 屋質薨輟朝三日辛未女直侵邊程都監達里迭搜剽幹里魯驅掠邊民  
 牛馬乙卯阿薩蘭回鶻來貢六月庚寅女直宰相及夾齒董來朝丙申漢遣  
 人以宋事來告秋七月庚辰以保大軍節度使耶律斜里底為中臺省左  
 相是月駐蹕燕于城九月壬午鼻骨德部長局魯捷覽來貢冬十月丁酉

水樂大典卷五十三百十八

如南京十一月辛亥朔始獲應曆逆黨近侍小哥花哥辛古等誅之十二  
 月戊戌漢將改元遣使稟命是月如歸化州六年春正月癸未幸南京  
 三月宋遣使請和以涿州刺史耶律昌朮加侍中與宋議和夏四月宋王  
 喜隱坐謀反廢秋七月丁未朔閤門使酌古加檢校太尉兼御史大夫男海  
 里以吉喜隱事送授隴州防禦使庚申臘于平地松林冬十月乙亥朔還  
 上京十二月戊子以沙門昭敏為三京諸道僧尼都總管加兼侍中七  
 年春正月甲戌朔宋遣使來賀壬寅望祠木葉山二月癸亥漢鴈門節度  
 使劉繼文來朝貢方物丙寅以青牛白馬祭天地三月壬午耶律速撒等  
 獻党項俘分賜群臣夏四月遣郎君玃思使宋己酉祠木葉山辛亥射柳  
 祈雨如頻蹕浚清暑五月丙戌祭神姑秋七月黃龍府衛將燕頰殺都監  
 張瑄以叛遣敵史耶律苟里必討之九月敗燕頰於冶河道其弟安搏追  
 之燕頰走保兀惹城安搏乃還以餘黨千餘戶城通州是秋至自頻蹕浚  
 冬十月鈞魚土河八年春正月癸酉宋遣使來聘二月壬寅諭史館學士  
 書皇后言亦稱朕暨于著為定式三月辛未遣五使廉問四方驛寨孤獨  
 及貧乏失職者振之夏六月以西南面招討使耶律斜軫為北院大王秋  
 七月丙寅朔寧王只沒婁安只伏誅只沒高勳等除名辛未宋遣使來賀

天清節八月癸卯漢遣使言天清節設無遮會飯僧祝登丁未如秋山已酉漢以宋事來告是月女直侵貴德州東境九月己巳謁懷陵辛未東京統軍使蔡陵詳穩洞奏女直襲歸州五寨剽掠而去乙亥鼻骨德來貢壬午漢為宋人所侵遣使求援命南府宰相耶律沙冀王敵烈赴之戊子漢以宋師壓境遣駙馬都尉盧俊來告冬十月辛丑漢以遼師退宋軍來謝十一月丙子宋主匡胤殂其弟昞自立遣使來告辛卯遣郎君王六誥馬涅木古等使宋弔慰十二月壬寅遣蕭只古馬哲賀宋即位丁未漢以宋軍復至掠其軍儲來告且乞賜糧為助戊午詔南京復禮部貢院是月轄憂斯國遣使來貢九年春正月丙寅女直遣使來貢二月庚子宋遣使致其先帝遺物甲寅以青牛白馬祭天地三月癸亥耶律沙敵烈獻後漢之役所獲宋俘戊辰詔以粟二十萬斛助漢五月庚子漢遣使來謝且以宋事來告己丑女直二十一人來請宰相夷離董之職以次授之六月丙辰以宋王喜隱為西南面招討使秋七月庚申朔回鶻遣使來貢甲子宋遣使來聘壬申漢以宋侵來告丙子遣使助漢戰馬八月漢遣使進葡萄酒冬十月甲子耶律沙以党項降酋可醜買友來見賜詔撫諭丁卯以可醜為司徒買友為太保各賜物遣之士申女直遣使來貢乙酉漢復遣使以

宋事來告十一月丁亥朔司天奏日當食不虧戊戌吐谷渾叛入太原者四百餘戶索而還之癸卯柯木葉山乙巳遣太保迭烈割等使宋乙卯漢復遣使以宋事來告十二月戊辰獵于近郊以所獲祭天十年春正月癸丑如長樂二月庚午阿薩蘭回鶻來貢三月庚寅祭顯陵夏四月丁卯酉辛己巳女直遣使來貢五月癸卯賜女里死遣人誅高勳等六月己未駐蹕沁州湖秋七月庚戌享太祖廟九月癸未平王隆先子陳哥謀害其父車裂以徇是冬駐蹕金川乾亨元年春正月乙酉遣提馬長壽使宋問興師伐劉繼元之故丙申長壽還言河東逆命所當問罪若北朝不援和約如舊不然則戰二月丁卯漢以宋兵壓境遣使乞援詔南府宰相耶律沙為都統冀王敵烈為監軍赴之又命南院大王糾軫以所部從樞密副使抹只督之三月辛巳遣撤遣人以別部化哥等降納之內戌漢遣使謝撫諭軍民詔北院大王英底乙室王撤合等以兵戍燕己丑漢復告宋兵入境詔左千牛衛大將軍韓偓大同軍節度使耶律善補以本路兵南援辛卯女直遣使來貢丁酉耶律沙等與宋戰於白馬嶺不利冀王敵烈及突呂不部節度使都敏黃皮室詳穩唐苦皆死之士卒死傷甚衆夏四月辛亥漢以行軍事宜來奏盧俊自代州馳狀告急辛酉敵烈來貢五月

己卯宋兵至河東漢與戰不利劉繼文盧俊來奔六月劉繼元降宋漢亡  
甲子封劉繼文為彭城郡王盧俊同政事門下平章事宋主來侵丁卯北  
院大王奚底統軍使蕭討古乙室王撒合擊之戰于沙河失利己未宋主  
圍南京丁丑詔諭耶律沙及奚底討古等軍中事宜秋七月癸未沙等及  
宋兵戰于高粱沙少却休哥糾軫橫擊大敗之宋主僅以身免至涿州竊  
乘驢車遁去甲申擊宋餘軍所殺甚眾獲兵仗器甲符印糧饋貨幣不可  
勝計辛丑耶律沙遣人上俘獲以推知南京留守事韓德讓權南京馬步  
軍都指揮使耶律學古知三司事劉弘皆能安人心捍城池並賜詔褒獎  
八月壬子阻卜惕隱曷魯夷烏董阿里觀等來朝乙丑耶律沙等獻俘丙  
寅以白馬之役責沙抹只復以走宋主功釋之奚底遇敵而退以劔背擊  
之撒合雖却部伍不亂宥之冀王敵烈麾下先遁者斬之都監以下杖之  
壬申宴沙抹只等將校賜物有差九月己卯燕王韓匡嗣為都統南府宰  
相耶律沙為監軍惕隱休哥南院大王糾軫權奚王抹只等各率所部兵  
南伐仍命大同軍節度使善補領山西兵分道以進冬十月乙丑韓匡嗣  
與宋兵戰于滿城敗績辛未太保玃思與宋兵戰於火山敗之乙亥詔數  
韓匡嗣五罪赦之十一月戊寅宴賞休哥及有功將校乙未南院樞密使

兼政事令郭襲上書諫改徽嘉納之辛丑冬至赦改元乾亨十二月乙卯  
燕王韓匡嗣遙授晉昌軍節度使降封秦王壬戌蜀王道隱南京留守徒  
封荆王是冬駐蹕南京二年春正月丙子朔封皇子隆緒為梁王隆慶  
為恒王丁亥以惕隱休哥為北院大王前樞密使賢適封西平郡王二月  
戊辰如清河三月丁亥西南面招討副使耶律王六太尉化哥遣人獻宛  
項俘閏月庚午有鴉飛止御帳獲以祭天夏四月庚辰祈雨戊午清暑燕  
子城五月雷火乾陵松六月己亥喜隱復謀反囚于祖州秋七月戊午王  
六等獻党項俘八月戊戌東幸冬十月辛未朔命丑者祠天地及兵神辛  
巳將南伐祭旗鼓癸未次南京丁亥獲敵人射恩箭庚寅次固安以青牛  
白馬祭天地己亥圍瓦橋關十一月庚子朔宋兵夜襲營突呂不部節度  
使蕭幹及四捷軍詳穩耶律痕德戰却之壬寅休哥敗宋兵於瓦橋東  
守將張師引兵出戰休哥奮擊敗之戊申宋兵陣於水南休哥泚水擊破  
之追至莫州殺傷甚眾己酉宋兵復來擊之殆盡丙辰班師乙丑還次南  
京十二月庚午朔休哥拜于越大饗軍士三年春二月丙子東幸己丑  
復幸南京三月乙卯皇子韓八辛辛酉葬潢土二河之間置永州以秦王  
韓匡嗣為西南面招討使五月丙午上京漢軍亂劫立喜隱不克偽立其



# 永樂大典

卷五二四八

于留禮壽。上京留守除室擒之。秋七月甲子。留禮壽伏誅。冬十月。如蒲呢坡。十一月辛亥。加除室同政事門下平章事。是月。以南院樞密使郭襲為武定軍節度使。十二月。以遼興軍節度使韓德讓為南院樞密使。四年春。正月己亥。如華林天柱。三月乙未。清明。與諸王大臣。校射宴飲。夏四月。自將南伐。至滿城。戰不利。守太尉吳元。累中流矢死。統軍使善補。為伏兵所圍。樞密使斜軫。救免。詔以失備杖之。五月。班師。清暑燕于城。秋七月壬辰。遣使賜喜隱死。八月。如西京。九月庚子。幸雲州。甲辰。獵于祥古山。帝不豫。壬子。次焦山。崩於行在。年三十五。在位十三年。遺詔。梁王隆緒嗣位。軍國大事。聽皇后命。統和元年正月壬戌。上尊諡孝成皇帝。廟號景宗。重熙二十一年。加諡孝成康靖皇帝。贊曰。遼興六十餘年。神廟會同之間。日不暇給。天祿應曆之君。不令其終。保寧而來。人人望治。以景宗之資。任人不疑。信賞必罰。若可與有為也。而竭國之力。以助河東。破軍殺將。無救滅亡。雖一取償於宋。得不償矣。知匡嗣之罪。數而不罰。善郭襲之諫。納而不。用。沙門昭敏。以左道亂德。寵以侍中。不亦惑乎。契丹志景帝諱明。記。更名賢。世宗兀欲子也。穆宗先為帳下所弑。諸將迎立。帝即位。號天贊。以上樞密使知政事。令高勳守政事。令封秦王。侍中蕭守興。為尚書。令封魏王。每

朝必命坐議國事。納蕭守興女燕燕為皇后。先是。火神浞。弑逆之時。述軌之害。世宗併及於后。復求帝殺之。帝時年九歲。御厨尚食劉解里。以棗束之。藏于積薪中。由是得免。及即位。嬰風疾。多不視朝。改元保寧。戊辰。保寧元年。宋太祖崩。寶元。年遼大赦境內。刑賞政事。用兵追討。皆皇后決之。帝則床榻間。拱手而已。己巳。保寧二年。宋開寶二年。春二月。宋太祖命曹彬等伐北漢。夏四月。遼分道救北漢。為宋何筠敗于陽曲。又為韓重贇擊破其衆于定州境。庚午。保寧三年。宋開寶三年。夏四月朔。日食。冬十一月。遼騎六萬攻定州。宋太祖命田欽祚領兵三千。戰于滿城。馬中流矢而踏。騎士王超。以為授欽祚得免。夜入保遂城。遼兵圍之。數日。欽祚度城中糧少。整兵開南門突圍一角而出。辛未。保寧四年。宋開寶四年。年冬十月朔。日食。壬申。保寧五年。宋開寶五年。秋九月朔。日食。癸酉。保寧六年。宋開寶六年。春正月。周鄭王俎於房州。諡曰恭帝。甲戌。乾亨元年。宋開寶七年。春二月朔。日食。冬十一月。遼遣臣貽宋雄州守孫全興書。請和。全興以聞于宋太祖。許之。乙亥。乾亨二年。宋開寶八年。春三月。遼遣使聘宋。夏六月。彗出柳。長三四丈。晨見東方。西南指歷。與鬼距出。凡十一舍。八十三日乃滅。秋七月朔。日食。宋初遣使通遼。丙

于乾亨三年。宋州。九年。太宗即位。十二月。以天子與國元年。冬。十月。宋太祖崩。年五十。在位十七年。皇帝。弟。晉王。即帝位。是為太宗。丁丑。乾亨四年。宋太祖。年。五十四。夏。四月。宋葬太祖於永昌陵。遼遣馮彥少卿。耶律敵等。往宋助葬。宋太宗。葬。遣起居舍人。辛仲甫。使遼。右贊善大夫。穆汝副之時。宋朝。將用兵伐北。漢。實倚遼為援。仲甫。遂留境上。未敢進。宋詔。趣行。既至。帝問曰。聞中朝。有亮進者。真。孰將如進之比。凡幾人。仲甫對曰。名將甚多。如。進。鷹犬之材。何可勝數。帝頗欲留之。仲甫曰。信以成命。義不可留。有死而已。帝知其。東節不可奪。厚禮遣還。冬。十一月。朔。日食。戊寅。乾亨五年。宋太祖。年。五十四。已卯。乾亨六年。宋太祖。年。五十四。春。二月。宋太宗。親征北漢。三月。遼以數萬騎。援之。戰于石嶺關之南。為宋郭進。敗。夏。四月。北漢主。劉繼元。降宋。盡虜。遼十三年。六月。宋詔。親征。發鎮州。涿州。判官。劉厚德。以城降宋。秋。七月。太宗。至幽州。攻城。踰旬不下。士卒疲。頓轉輸。回遼。又恐。遼救兵至。遂退師。先是。宋師。自并。幸幽。乘其無備。帝方。急歸。牙帳。議。奔。幽。以兵守松亭北岸口而已。時。耶律。進。寧。號于越。呼為舍利郎君。北。新。進。無。事。者。守。為。之。請。兵。十。萬。救。幽。州。並。西。西山。薄。幽。陵。人。夜。持。兩。炬。朝。奉。兩。旗。選。精。騎。三。萬。夜。從。地道。自。宋。軍。南。席。卷。

水樂齋卷五十二百十八

而北。遼兵。先守幽州者。皆脆。兵。鈞。卒。見宋師之盛。望風而遁。又為宋師所道。進。退。無。計。反。為。堅。守。至。是。于。越。救。至。宋。遂。退。師。或。勸。于。越。襲。其。後。于。越。曰。受。命。救。幽。新。今。得。之。焉。遂。不。復。追。宋。太。宗。欲。北。侵。遣。詔。渤海。王。發。兵。相。應。然。渤海。畏。遼。意。無。至。者。遣。使。如。渤海。責。問。秋。九。月。遼。攻。鎮。州。為。宋。趙。廷。進。賊。庚。辰。乾。亨。七。年。宋。太祖。年。五。十。五。年。冬。十。一。月。帝。發。兵。萬。餘。東。進。攻。關。南。宋。河。陽。節。度。使。崔。彥。進。將。兵。禦。之。遼。師。失。利。十。二。月。宋。太。宗。親。征。至。大。名。遼。師。遁。遂。班。師。辛。巳。乾。亨。八。年。宋。太祖。年。五。十。六。年。遼。大。赦。帝。性。仁。懦。雅。好。音。律。喜。醫。術。伶。倫。針。灸。之。輩。授。以。節。越。使。相。者。三十。餘。人。自。初。得。疾。沉。痾。連。年。四。時。遊。獵。間。循。故。典。禮。儀。不。能。親。跨。馬。今。節。大。朝。會。爵。尊。無。數。或。不。視。朝。者。有。之。耽。于。酒。色。暮。年。不。少。休。燕。燕。皇。后。亦。十。八。女。以。女。主。臨。朝。國。事。一。決。於。其。手。大。誅。罰。夫。征。討。著。漢。諸。臣。集。眾。共。議。皇。后。裁。決。報。知。于。帝。而。已。易。定。幽。燕。間。兩。大。戰。峰。書。旁。午。國。內。惶。惶。帝。嬰。疾。不。能。親。駕。基。業。少。衰。焉。秋。九。月。朔。日。食。壬。午。乾。亨。九。年。宋。太祖。年。五。十。七。年。春。三。月。朔。日。食。夏。五。月。遼。分。三。道。入。宋。為。其。邊。將。所。敗。冬。十。二。月。朔。日。食。是。歲。帝。崩。諡。孝。成。皇。帝。廟。號。景。宗。論。曰。景。宗。爰。在。特。齡。中。遭。多。難。高。秋。搖。落。理。之。自。然。政。非。已。出。不。免。批。難。之。伺。祭。則。寡。人。聽。命。

椒塗之香。其得虛  
尊而擁號幸矣。

永樂大典卷之五千二百四十八

永樂大典卷之五千二百四十八

六

永樂大典

卷五二四九